

Диндалул шамулчинмур ттарці



ИхІсандаул Иман ва Ислам камил дайссар

Оьмар-асхаб ﷺ буслай ивкІссар: «Жу буссияв Русулуллагънашал ﷺ щябивкІун. Му чІумал жучІан увххуна цан инсан, хъинну ххуйсса яннар-давухсса ва ккаккан ххуйсса лажин дусса. Жуватусса щинчІав га кІулсса акъая, амма ганай сапарданул асаргу чІалай бакъая. Га инсан Идавсил ﷺ хъхьичІ щяивкІуна, цала никру ганал никиртгайн шун дурну ва цалла кару Идавсил ﷺ ликкуртгай дирхъуну. Ганал увкуна: «Я МухІаммад, буси ттухъ Имандалия» - куну. Идавсил ﷺ увкуна: «Аллагънайн ﷺ Иман дишаву, малаиктурайн Иман дишаву, Лут-тирдайн Иман дишаву, Идавстурайн

Иман дишаву, Къиямасса Къинилийн Иман дишаву, Къадарданийн Иман дишаву». «Ина тІайлану бувсунни» - увкуна га адиминал. Яла ганал увкуна: «Буси ттухъ Исламрая». Расулуллагънал ﷺ увкуна «Шагъдат дутаву, чак баву, закят бичаву, зума дугъаву, бюхълай бухъурча хІаж баву». «ТІайлассар» - увкуна ганал. Ялагу увкуна: «Буси ттухъ ИхІсандалия», - увкуна. Расулуллагънал ﷺ жаваб дуллуна: «ИхІсан учайссар, дакІнихтуну эбадат даврин вина Аллагъ ﷺ чІалай усса куна, вин Аллагъ ﷺ чІалай акъанугу, хІакъну Аллагънайн ﷺ ина мудан чІалачІиссара». («Арбаин-ан-Навави»).

автор: ХІабиб Аьлиев

Ва хІадисрайну жунма бувчІлай бур ихІсан – диндалул шамулчинмур ттарці душиву. Цамур куццуй учин, ихІсан учайссар – жуна Аллагъ ﷺ чІалай усса куна дакІнихтуну эбадат даврин, чІалай акъанугу, гъарца жува буллалимур ва тІутимур Заннан ﷺ чІалай бушиву хъама къабивтун. Гъарца муьмичувнан кІулли Аллагънайн ﷺ гъарзат чІалай душиву, баллай бушиву, аммарив, ца-ца чІумал, цуцІав акъасса кланай жува цама инсаннал хъхьичІ къадайсса тІуллу дуллан бикІару.

Ва номерданий :



лаж. 3

Тгун бувчІуна диндалул ххуллу яла тІайламур бушиву



лаж. 4

Аькьикъа биххаврил баян



лаж. 7

Инсаннал арулвагу базу буруччаврил адабру

Хъу дугъаврил ххирашиву

Инсаннал дайсса пишардаву яла ххирамур – хъу дугъавур. Мунир ххирасса, халкъуннан мионат хъунмасса пиша бакъассар. Дуниаллий хъхьичІра-хъхьичІ дургъусса саняту мури. ХъхьичІра-хъхьичІ хъу дугълай айивхъумагу Адам ﷺ идавсри. Цувагу Аллагъу Тааблалан изнулийну Алжаннавату ницругу, мунил ярагъу, лачІал ккуккугу бучІан бувну, Жабраил-малаикная мунил элмугу кІул дурну, дугълан ивкІссар. ХІалалну, тІайлану му пиша буллалисса инсаннал даража хъинну лавайссар. ХІатта хъудугъул хъунивух бишун кълмул кІама бувцукун, малаикнал оьвкуну учайссар: «Я Аллагънал ﷺ гъалмахчув, вил канивун барачат бувххунни», – куну. КІама бивцукун, ца-ца ккуккулун ацІ-ацІра хъиншивугу чичайссар, ацІ-ацІра оьшивугу яла гъан дайссар, ацІва даража бюхтул байссар. Мий къама ххявххукунгу ца-ца ккуккулул бакІрахсса муьминчув уттава увсаксса чире буссар. ЩІолли хъуну махъ

ттихІиннин ми ххярхсса задругу мунал аьпа чІа тІий дикІайссар. Хъу ттирхІуну ччарду дурукунгу, ми кунна мунал бунагъругу ккуччу шайссар. Миннуя закят бувккукунгу мукъцІалла шинай чак буллай, зума дугълай ивкІссаксса чире чичайссар. Миннуя ккукку бувкусса, нахъ дуркусса хІайвандалул, лелуххул мунал аьпа чІа учайссар. Мунал хъувух хъарас диргъукун, мунал чурх дуржагърал цІарая ххассал шайссар. Мунал гъухъа итавугу гъази гъухъа итаву куннассар. Муная чурххал къанкъу зума дургъуманая къункъан лархъхъуссар. Му ивкІукунгу, мунай лухчичи аьтІун дикІайссар. Муксса даража хъунмасса хъудугъуйл Къиямасса къинигу. Хъудугъуй ялувссар цалва хъувух бугъайсса гъанна хІалалсса, цува заллусса, чувнан хІакъ бакъасса бикІан, хІарамсса бухъурча мунир хъумургу хІарамссар, циняв бакІлахъру хІарамсса хъунтІиссар. Гъай учин бавхІусса хІайвандалийгу анаварну гъай тІий гуж къабанссар,

цІлла сантирай бакъа. БахІин лайкъмур бакъа багу къабайссар. Масала, ттуку, чу, бахІлаву къалайкъссар. Дазу-зуманий къия дурну, гужрай цаманал аьрщарай, цаманал хъуний муний заллушивугу къаданссар, акъ-ахъурча, Къиямасса къини цалва дарвачрахун бюрхІлу бувну бутантІиссар. Мукунмасса ххирасса пиша ахъулссаннул мурхъ бугъаву, ахъру, багъру баву, миннуин щин дихълай, бакъин буллалаву. Жабраил-малаикнал увкуссар: «Нава дуниаллий касму дайсса инсан уссания, му ахъурдил пиша бутъавияв, мунил чире хъунманутІий», – куну. Мурхъ бувгъуну, ахъулсса хъурча, минуя цалла дуркумургу садакъари, цаманан дуллумургу садакъари, дарцуну дуркумур садакъари. ХІатта, миннуий хъусса ахъулссаннул бакІрахсса чире хІасул шайссар – мурхъ бувгъунан, щин дирхъуну бакъин бувну мунир къуллугъ бувнан.

ГъунчІукъ тІрал Къурбанаьлил «НасихІатул-аьвам»

Аллагънал ﷺ ххуллий лавгмий ливтIуминнан ккалли бамари . . .

Бусурманнал уммат ца уттигу хьунасса аьлимчунаца хьунни. Буйнаксклив пьакь учин увунни шагьрудул имам Абдулгъафуров МухIаммад-хIажи ва ганал мутааьлим МухIаммадрасул МухIаммадов. Имам ва мутааьлим нюжмар кьини мизитравун кIюрххил чаклийн най бунува, гай бачайсса ххуллий пIякь учайсса зад дирхьуну кIиягу бунийва шагьидталну ва дунияллия лавгунни. Дунияллия лавгун Аллагънал ﷺ рахIмудучIан гьан хьунни.

макъала:

Ибрагъим-хIажи Ибрагъимов

Куръанналуву увкуну бур (мягна): «Аллагънал ﷺ ххуллий дунияллия лавгмий ливтIуминан ккалли мабари, гай цала ЗанначIа ﷺ уттавану буссар, цанма хьинсса ужра ласлай. Гайннал лажинтру ххаришиврул чанна лархьун дуссар, Аллагънал ﷺ гайннал Цалва РахIмат буллулугъий» (сура Алу Имран, 169-170 аятру).

Гай най бия чак бан, Аллагънал ﷺ хьхьичIсса бурж биттур бан. Мукун марцIсса ниятрашчал ва чапалсса дунияллия лавгунни кIюрххил чаклин оьвтIисса азанналул чIунихун. Цаппара шиннардил хьхьичI МухIаммад-хIажи ивчIан къаст дурну дуссия, амма ганал ссят дуркIунни мубараксса нюжмар кьини. МухIаммад-хIажи гьарца ша бикIайва Аллагъ ﷺ рязи ансса ниятрай бувсса, махъва-махъсса шагу мукунмасса хьунни. Укунсса бивкIуллул ккаккан буллай бур ганал мийжIаннугу Аллагънал ﷺ хьхьичI хьунмасса даража бивкIшиву. Жунмагу ганаха пашман хьанан къааьркинссар, пашман хьун аьркинни ва дунияллийсса жухлува, гукун гужсса элму дусса аьлимчу акъа ливчIунтIий.

Дагъусттаннал Муфтийнал хьиривчу ХIабиб-хIажи Маматханов: «МухIаммад-хIажи Абдулгъафуровлуя бусларча, нюжмардий, зуруй буслан хьунссар. Га ия хьинну барачатсса инсан, цалва элмулийну аьмал буллай оьрму бутлатисса аьлимчу. Дагъусттаннай Ислам гьаз давриву ганал хьинну хьунмасса даву дурссар. Чув ухьурчагу – шярваллаву, шагьрурдай – ганал дарсру ва вягъарду къулагъас дакъа къаличIайва. Щалла дулламисса даву ганал дайва так Аллагъ ﷺ рязи хьуншиврул. Халкъуннавуу МухIаммад-хIажи хIурмат хьунмасса бивкIшиву ккаккан буллай



бур га учлачисса чIумал хIатталлив бувкIсса агъалинал чIявушиврулгу: хьунив хьусса, аьсав дакъа бачин къашайсса къужригуа бувкIун бия. Му махIатталлсса шигу бакъар, цанчирча «аьлимчунал бивкIу щалла дуниял духлагову кунмассар» увкуну бунутIий. МухIаммад-хIажи барачат жуйнмагу бияннав, ганал мутааьлимтурава га кунмасса хьунисса аьлимтал букканнав. Амин!»

МахIачкъалаливсса Хьун мизитрал имам МухIаммадрасул-хIажи Сааьдуев: «Жула уссу, шагьид МухIаммад-хIажи Абдулгъафуров чIивинияца динналул элму лахълай айивхьуссар. Ганан яла ххирамур санят – элмулул луттирду буккаву, дарс дишаву, аьлимтурая элму ласаву дия. Га инсаннал хIарачатрайну Совет хIукумат духларзукун, дин хьинну хьхьичIуннай хьуна, динналул элмулул даража гьаз хьуна. Совет хIукуматрал чIумалва ганал лагма бавтIун буссия къюлтIну Исламрал элму ва аьраб маз лахълахьминнал ккурун. На дакI дарицIуну ура МухIаммад-хIажи цанма ччисса талихIрайн ишиву. Аллагънал ﷺ тавфикь булуннав жухъхьунмагу ганая эбрат ларсун, къанкъану Исламрал, Идавсил ﷺ ххуллий бачин».



МухIаммад-хIажи Абдулгъафуров чIявусса районнай имамну уссия. Цалва вягъардайну инсаннал дакIничIан кIула лякьин шайсса унутIий, га гьан айва яла захIматмур тагъар дусса районнай. ХьхьичIва-хьхьичI га гьан увну ивкIссар 1998-ку шинал цала буттал шяравату Дилимрайн. Гикку МухIаммад-хIажинал чIявусса халкъ хIакъсса ххуллийн тIайла бацIан бувссар.

ХIакъну, жува циняв Аллагънал ﷺ ляхъан бувсса лагъартру, ливтIукун ЗанначIан ﷺ кIурагу баянтIиссару.

МухIаммадрасул МухIаммадов

МухIаммадрасул МухIаммадов увссар 1976-ку шинал Шамильский райондай Батлук шяраву. Шяравусса мадрасагу бувкуну зий ивкIссар муаьлимну Гергьибильский, Хунзахский, Ботлихский районнай. Мунияр махъ элму гьарза даншиврул увхссар Чиркейливсса Исламрал университетравун. Университет бувкуну махъ МухIаммад-хIажи Абдулгъафуровлушчал зий ивкIссар, гьарца ишираву ганан кумаг буллай, цалва машиналий аьлимчуннашчал щалва Дагъусттаннай дявват буллай. Исламрал душмантурал МухIаммад-хIажи ивчIан къаст дуллай бушиву бувчIлай, МухIаммадрасуллул цалла давурттугу къадиртун, муаьлим яуллай мудан ганал чIарав икIан хIукму бувссар. Ярагъ лавсун занан ихтияр дикIаншиврул ганал бувккуссар милицанал школа. Вана укун дунияллий МухIаммад-хIажинал чIарав ивкIун, ахиратлувунгу ганашчал архIал лавгунни. Аллагънал ﷺ жуйнмагу шагьидтурал барачат биян баннав. Амин.

Бусурманчунал къала

Аьлимтурал тIимунин буну, бусурманчуннал буссар шамма къала, инсан щяйтIаннуя уруччайсса. Ми къалардугу: мизит, Аллагъ ﷺ кIицI лагаву ва Кьуръан буккавури. Вайннувацца ца къалалуву уссаксса хIаллай инсан щяйтIаннуя урувччуну икIайссар. Ми гьарцаннулгу дуссар цалла-цалла шартIру. Масала, инсан мизитравугу щяивкIун, ккурчIав кунмасса хаварду бусларча, ягу аьркинбакъасса гьалгъарду, бугтан-гьибатру булларча, му чIумал му щяйтIаннуя урувччуну къабикIантIиссарча, ганил канихьри икIантIисса.

Али-асхIаблул ﷺ увкуссар: «ДучIантIиссар мукунсса чIун, Исламрая так ца цIа лирчIсса. Му чIумал хьинну ххуйсса, исвагIисса мизитру бикIантIиссар, амма гайннуву эбадат дайми чансса бикIантIиссар». ЦIана жунма чIалачIисса куццуй, му замана бувкIун бур. Мизит тIисса махъ хьуну бур «масжид» тIисса аьраб мукъуя, мунил мяънагу – «сужда байсса кIану» хьанахьиссар. Мизитравун нанимагу Аллагънал ﷺ хьхьичI сужда бан нанимари. Хьунисса аьлимтурал чивчусса луттирдаву увкуну бур: «Мизит – Аллагънал ﷺ къаттари, мивун увхма Аллагънал ﷺ увхма кунассар, миву щяивкIма Аллагънал ﷺ щяивкIма кунассар, мизит хьун баву Аллагъ ﷺ хьун авури, Аллагъ ﷺ хьун увкунни Муналгу цува хьун айсса. Аллагъу Тааьлал ми мизитру, хасну эбадатру дуллан бувсса къатри бухъувкун, ЗанначIа ﷺ хьун буну, ххира бувсса кунма, жуйвагу ялувссар миннул къадру баву, хIурмат буроччаву, хьун баву. Мукун бухъувкун миву, маша-ххаша бан, махсара-хьярч бан, хьяхъаву дан, аьркин бакъасса ихтилатру буллан къабучIиссар, Аллагъ ﷺ кIицI лаглай бакъа чIу лахъ бан ихтиярду дакъассар. Дунияллул ихтилат-калам бан къадуруссар. Мизитраву дунияллул гьалгъарду булларча, гьаттарал уртту дукайсса кунна, къуния ххюра шинай бувсса хьинсса аьмал зия байссар. Мивусса хьяхъавугу – гьаттавуцца цIаншивур. Дакъа хьусса задгума цIуххин къабучIиссар» - куну бур.

МухIаммад Идавсил ﷺ увкуссар: «Мизит ххирама Аллагънал ﷺ ххирассар» - куну. Мизитравун къалагайми цалва цивпа махIрум буллалиссар Аллагъу Тааьлал рахIмулия. ХIадисраву увкуну бур: «ЩяйтIан инсаннал душманни, ттурзаннуя личIи хьусса хIайвандалин ххяххайсса барцI яттил душман кунмасса. Зу ппив къахъанай, мизитрал жамьятравух бикIияра», - куну. Мизитравун лавгун хьинссар шава чаклингу ивссуну, марцIшивугу дурну, тIааьнсса къанкъу дурну. Мизитравун ачиннин хьхьичI лаччи-чимус ягу цамур ххуй дакъасса къанкъ дусса зад дукавугу къахьинссар. ХIадисраву бувсун бур, шава чаклингу ивссуну, мизитравун чак бан наниманан гьарца шагтирах ца-ца бунагъ шюшайшиву. Аллагънал ﷺ кумаг баннав мизитру ххираминнаву бикIан. Амин!

isaassalam@gmail.com

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Иса ОМАРОВ

Канонический редактор

Курамухаммад МАГОМЕДОВ

Корректор

Курбанисмаил АМИРОВ

Ответственный секретарь

Ахмад МАГОМЕДОВ

Менеджер

Абдусабир АХМЕДОВ

Дизайн, вёрстка

Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Тираж 2.840 экз.

Сдано в печать 31 марта 2012 г. в 20:00

Индекс 51388

Адрес редакции

367015, РД, г. Махачкала, ул. Азиза Алиева 2. Тел.: (8722) 61-00-64.

По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;
www.assalam.ru

Ттун бувчIуна динналул жхуллу яла тIайламур бушиву

ХЪУРТТАЛ ШЯРАВАЛЛИЛ ИМАМНАЦАЛССА ИХТИЛАТ

Бариев МухIаммадманнар увссар Хъурттал шяраву 1988-ку шинал. Буттал шяраву дянивмур дара-жалу школагу къуртал бувну, увхссар МахIачкъалаливсса Дагъусттаннал Исламрал Университетравун. Га бувккуну махъ зий уссар Хъурттал шяраваллил имамну.



МухIаммадманнар, инава динналул ххуллий авцIусса куц буси. Школа бувккуну махъ на ттула буттал насихIатрайну увхссияв Исламрал университетраву дуклан. Ттула пикривагу бакъассия гивун ухханса. Ца-кIира шинай гивугу дурккуну цамур кIанайн ухханна тIий уссияв. Гиву дуклакисса чIумал ттун бувчIуна ва динналул ххуллу яла тIайламур, ххуймур бушиву, мунияту ттун гъира багъуна дуккаву къурталгу дурну, нава бувчIусса ххуллийх ачин.

ЦIанасса заманнай Хъурттал шяраву динналул тагъар цукун дур? Жул шяраву 70-ллаксса шин хъуну дур мизит бакъа, акбар къатIий. Так ца-кIия къулгъу-къуръан кIулсса, инсантурал бивкIу-буччу бан шайсса адимина ивкIун ур. Дин-чак дайсса, зума дугъайсса куц, Къуръан буккин лахъхъин бансса имам къаивкIун ур. ХIакъинусса къини жамят

динналулчIан кIункIу тIий, гъира-рай бур. Агъамну жагъилмий бур мизитравун занай, Къуръан буккин, чак бан лахълай, хъинну гъирарай хIарачат буллай. Оьрмулул хъунимий тIурча, мюрщину бунува лахъхъин къабювхъунутIий, динналул чулухунмай хIурану бур. Аьмну ласурча, зума ритавал байрандали, мавлудирттай цинявпагу гуртту шай.

Буси инава имамну зий айивхъусса куц

На университет бувккуну къуртал бувсса шинал жул шяраву цIусса мизит тIивтIуна. Мизитравун зунса имам аьркинни тIисса чIумал, Дагъусттаннал Динналул Идаралул амрулийну на шиккун гъан увуна, ва ттулла буттал шяравалугу духъувкун. Га шинал жу Рамазан барз бучIан ца гъантлул хъхъичI байбихъуссияв мизитраву чак буллай, мунияр махъ мизит тIитIаврил мажлисугу бувссар.

Имамнал давриву цукунсса захIатшивурттащIал хъуна акъин багъай?

АльхIамдулиллагъ шукру, личIину захIатшивуртту къашай. Амма хъинну бикIанссия, циняв нити-буттал цалва оьрчIру мизитравун дин лахъхъин гъан байсса бивкIссания. ОьрчIавусса динналулчIансса гъира лещан къабувну, чIарав бавцIуну тIайласса ххуллий бацIан кабакъаву дарча хъина.

Шяраву динналул чулухуннай цукунсса даву най дуссар?

Мизитгу тIивтIуну, зий айивхъуну махъ дуклаки оьрчIан динналухун гъирагу багъунни. Зуруй цал школардай хъунабакъавуртту давугу аьдатравун дагъну дур. Школардал директорталгу хъинну чIарав бавцIуну, жун кумаг бан хIадурну бикIай. Гъарца шинал МухIаммад Идавс ﷺ увсса барз бучIаврин хас дурсса давугу аьдатравун дагълай дур. Аллагънал ﷻ цIимилийну



ЦIусса мизит

агъали тIайласса динналул чулухунмай кIунку тIий бур.

Жунма кIулсса куццуй, Хъурттал шяраву бивкIун бур хъинну хъхъичIавасса мизит. Мунияту цибусан хъунссар?

Хъурттал шар Лаккуйсса шархъава яла хъхъичIраминуваса хъанай дур. Шикку хъхъичIва бивкIун бур хъунмасса мизит. Га мизит бувну бивкIссар бусурманнал календарьданин бувну 980-ку шинал, му хъанай дур григориан календарьданул 1572-ку шин. Га мизитрал бухкIуллул ялувсса чарий бур аьраб мазрай чивчуну: «Ва мизит бувссар МухIаммадлул ва АхIмадлул жамятрал кумаграйну 1145-ку шинал (1732-ку шин)». Академик Амри Шихсаидовлул луттираву чивчуну бур га чару мизит бакъин бувну, цIу буккан бувсса чIумал бивхъуссар тIий. ХIакъину га мизитрая так цавай эяллайн кIура бавсса чIиртту ливчIун бур.

Жамятрал цимигу къаст дурунни га мизит цIу буккан бан.

ЦIумур мизит тIурча, байбихъуссар 2009-ку шинал Москвавилысса профессор Абакар Мудуновлул кумаграйхчIин. Мизит къуртал бувунни 2010-ку шинал ва гара шинал тIитIавугу дурунни.

Хъурив хъхъичIва бивкIсса аьлимтурая цибусан хъунссар?

Жул шяраву хъхъичIва чIавусса аьлимтал бивкIун бур. Миннава яла машгъурма ур МахIмуд аль-Хъури. Му динналул аьлимчу акъасса, математикалул, астрономиялул, архитектуралул кIулшивурттугу дусса инсан ивкIун ур тIар. Хъуривсса мизитгу ганал проектрайн бувну цIу буккан бувссар тIар. Мунал гъавгу Маккалив дуссар тIар. Ялагу Хъурив бивкIун бур ЦIаххаев ЦIаххуй, Каирдай дурккусса ХIажиев Апанни, РатIув Абдуллагъ ва цаймигу аьлимтал.

Шяраву Ас-салам кказит чичаву цукун най дур?

Ас-салам кказит ванияр шиннар-дил хъхъичIвагу чичайсса бивкIун бур. На имамну ивтун махъ му масалагу ттуын тапшур бунни, жулла шяравалу дакъасса, лагма-ялттусса 11-ра шяраву. Аллагънайн ﷻ шукру, Ас-саламрал буккулт ялу-ялул чIяву хъанай бур. Вай 11-ра шяраву 90% агъалинал чивчунни учин бучIир. Жу хIарачат бувару гъарца кказитращIал архIал динналия буслалисса дискругу дачIлан.

Ахирданийгу на чIа тIий ура щалагу Дагъусттаннал миллатран ва лакрал агъулданун къатраву барачатшиву хъуннав, кулпатирт-таву куннан-ку бувчIаву хъуннав, Дин-Исламрал ххуйшиву бувчIуну, мунил ххуллу бувгъуну бачин тавфикь булуннав. Аллагънал ﷻ цинявпагу бусурман ххуй дакъасса тIуллая арх буцаннав, Алжаннул агълу хъуннав. Амин.

Ихтилат бувссар Сайфуллагъ МухIаммадаьлиевлул



Бухмур мизитрал эялу

Аькьикъа бихжаврил баян

Аллагъу Тааьлалан Цалва лагъартуннал дуллалисса эбадатрах ляличисса чире булайсса, хассса эбадат дан ххирасса чунну ккаккан дурну дур. Къурбан-байрамрал гъантри бивкисса чумал ца-цавай инсантуран цалва оьрчи бивсса чумал ганаха аькьикъалун хлайван къабивххунма ливчшиву дакнин багъну, гай ххирасса байрамрал гъантрай Къурбан къабивххун, аькьикъа бихлан биклай.

макъала: Камал Сагидов

Орчаха аькьикъа бихханшиврул Къурбан-байрамрал гъантри бучаннин ялугълан аьркиншиву дакъассар. Аькьикъа биххайссар оьрчи бивсса чумал ганал бак чартги бивкун. Амма бак чартги бавришал архлал биххан шартгуну къахъанахиссар, цамур чумал биххангу бучиссар.

Аькьикъалул хлукму

Шанма мазгъабрал имамтурал (Шафиъ, Малик, Ахмад) тимуни бивну, аькьикъа биххаву гужсса суннатну хъанахиссар (суннатул-муаккада). Имам Абу Ханифанал мазгъабрай бивну, аькьикъа биххаву суннатну къахъанахиссар, амма биххан бучиссар (мубах).

Шариаьтрал хлуччарду

Аькьикъа биххан бучишиврун далилну хъанахиссар Мухаммад Идавсил ﷺ хадис: «Дахъа бивсса оьрчаха хлайван биххан аьркинссар» (аль-Бухари). Цалва Идавсил ﷺ Хасаннухлу ﷺ ва Хусайннухлу ﷺ ца-ца яттил хлайван бивхссар. Мунир махъ асхлатуралгу цалва оьрчаха биххайсса бивкиссар.

Аькьикъалул хикматшиву

Динналул жунма аькьикъа биххан ккаккан бивну бушивруву чиявусса мунапатру буссар:

Жунма оьрчи булду, га баву бигъа бивсса Аллагнайн ﷻ шукру баву. Шукру байминнансса неъматуру ва барачат Аллагнайн ﷻ гъарза байссар. Халкуннан га кулпатраву оьрчи бившиву кил баву. Инсаннаву саватшиву ххи даву, ганал дакнива мяшшиву, лашиншиву дуккан даву. Мискинтал, гъан-маччами, члаххул дукралухун бавтун гайннал дакдурдивун ххаришиву дутан.

Бихжаврил чун

Аькьикъа биххан бучиссара оьрчи бивкун гацлана. Яла ххирамур чун – оьрчлан арулва гъантта хувкунни. Арулчинмур кьини къабюхъарча, ацния мукъулчинсса кьини, мукунгу къахъурча, кьунни цалчинмур кьини, яла гъарца нюжмардий, оьрчи балугъравун ияннин. Оьрчи балугъравун ияннин ганаха аькьикъа бивххун къабивкхъурча, ганан цахлува цалва биххаву хъинссар, оьрмулул цими шин хъусса унуу. Ца-цавай инсантал биклай оьрчаха ягу цахава аькьикъа бихханшиврул Къурбан-байрамрал гъантри бучаннин ялугълай, цамур чумал биххан къабучисса ххай. Аькьикъа биххан ляличисса чун ккаккан дурну дакъассар, бюхълай бухъурча, шайкун ччяни бивххун хъинссар, хаснува оьрчи хъуна хъуну ухъурча. Байранналул гъантрайив, аькьикъа биххан бучинугу, Къурбан

бивххун хъинссар, ххирассар, Къурбаннул гъантри шиная цал бакъа къабиклайнутгий.

Аькьикъа щиха биххайссар?

Аькьикъа биххайссар гъарца бивсса оьрчаха, буллай бунува бивчларчагума. Бивкунмасса оьрчи барча, ганахагу биххайсса, ниттил лякълуву сагъну бивкун бухъурча. Оьрчи лякълуву сагъну къабивкхъурча, ганиха аькьикъа къабиххайссар, цагу къадизайссар. Оьрчаха клива яттил хлайван биххаву хъинссар. Цивпагу ца шиная бивсса бухъурча хъинссар. Ца хлайван биххарчагу, суннат шаллу бивссаннун ккаллиссар. Душнихлу ца яттил хлайван биххайссар. Кинничалт барча, клива хлайван биххайссар.



Аькьикъалун биххайсса хлайвант

Аькьикъалун биххан дурусьссар Къурбандалун биххайсса хлайвант: варани, оьл-ниц, яттил хлайван, къяца-цуку. Инсан мискинсса, яттил хлайван биххан каши дакъасса ухъурча, Ибну Аббаслул ﷺ тимуни бивну, аьнакни, ажари, урдак ягу къаз биххан бучиссар. Аькьикъалун биххайсса хлайвант сагъсса, Къурбандалун биххайминнул шартгуну цаву дусса биклан аьркинссар. Варани, оьл, ниц Къурбандалун арулуннах биххайсса кунма, аькьикъалунгу арулуннаха биххан ихтияр дуссар.

Нийят

Аькьикъа биххайни «На нийят дурунни ва хлайван аькьикъалун ттула арснаха (душниха, ттухава) биххан», - куну нийят дайссар. Аькьикъалухса чире, цамур хъинсса аьмалданух кунма, шалвагу бусурманнал умматрайн, ливтуминнайн ва уттаваминнайн бияннав куну дуаь дангу бучиссар.

Аькьикъа шил биххайссар?

Аькьикъа биххайссар шариаьтрайн бивну оьрчлай каялушиву дан аьркинсса валинал – буттал, буттал буттал ва м. ц. Аькьикъа буттал цалла хъус-арчуя биххан аькинссар. Масъала, оьрчал ирсирай дирса ягу бахшишран дуллусса арцу духъурчагу, гай аькьикъа биххан харж дан ихтияр дакъассар. Оьрчал бутта биххан каши думану ккалли айссар ганачла оьрчи бивну махъ ряхцалва гъантлий дукансагу,

биххансса хлайван ласунсагу тагъар духъурча.

Магъар къабивхъусса адиминал ва шарссанил зуна бивну бивсса оьрчаха аькьика ниттил биххан аьркинссар, цанчирча, Шариаьтрайн бивну, мукунсса оьрчал ппу акъанутгий.

Агъамшиву

Мухаммад Идавсил ﷺ увкуссар «Оьрчи иклайссар аькьикъалул хлакълилу». Ва хладисрал мягна - оьрчи бивкун, ганаха аькьикъа къабиххарча, га оьрчи къашавайсса, шайтланнуя къаурувчусса хъун бюхъайссар. Имам Маликлул тимуни бивну, аькьикъа къабивхсса оьрчи Къиямасса Кьини цалва нитти-буттаха шафаъь бан ихтияр дакъа иклайтиссар. Мунир, чивину унува бивхъавххун ливчун бухъурча, хъуна хувкунмагу бивххун хъинссар.

Адабру

Ялув чивусса куццуй аькьикъа оьрчи бивну арулчинмур кьини бивххун хъинссар. Оьрчи хъхъувай барча, гъунтгимур кьини цалчинмурну хисав дайссар. Аькьикъа биххан яла ххирамур чун – кюрххицунмай баргъ гъаз хъанахисса чун. Хлайван бихлахисса чумал дуаь дуккайссар: «Бисмиллагъи валлагу акбар. Аллагъумма гъаза минка ва илайка. Аллагъумма гъаза аькьикъату (оьрчал ца)». Аькьикъалун бивхсса хлайвандалул дик шархун, мискинтуран дуллуну, ягу хъамалу оьвкуну дукан бивну хъинссар. Бюхълай бухъурча, тгаркуну гъагъан къадан хларачат бансар, оьрчи къанкъасса, къувват бусса хъунсса нийятрай. Аькьикъа бивхсса кьини, суннатну хъанахиссар оьрчал бак чартги бивну, гай чарардал кушиврийсса муси мискинтурайх дачин.

Къурбандалул ва аькьикъалул личишивуртту

Чявуми хлукмурдаву аькьикъа ва Къурбан ца куццуйссар, амма дуссар личишивурттугу:

- Аькьикъалул дик авадансса инсаннан дулурча, ганах ихтияр дуссар га дик даххан, Къурбандалулсса даххан аваданманях ихтияр дакъассар;
- Аькьикъалун бивхсса хлайвандалул дик шархун дуллуну хъинссар;
- Хлайвандалул урчламур ччан шакъархунна оьрчи къамул бивсса акушеркалун дуллуну хъинссар;
- Назрулийну бивхсса аькьикъалул диклуя ца касак шакъавхъунма мискинтуран булун аьркинссар, гайми шархун дачлайссар, цанна дурагу дитан ихтияр дакъассар.

Зимизрал хъаттирайсса дару

Мухаммад Идавсил ﷺ увкуну бур: «Зула дукралувун зимиз багъарча, цал га шалва бюкъан буvara, яла эьки бутияра, хлакълуну, ганил ца хъаттирай цуцлаву дуссар, гамуний дару буссар» - куну.

макъала: Хаджи Мухаммадов

Ва хладис бавсса чумал ца диндакъл ттухъ рихшантрай цуцлухуна: «Гъу, ина духтур ураха, ци дарури зимизрал хъаттирай биклан бюхъайсса?» - куну. Га чумал ттул жаваб дуллунсса элму дакъая, мунир на увкуссия: «Хладисраву мукун увкуну бухъурча, зимизрал хъаттирайгу дару биклайтиссар. Вайксса шиннардий Идавсил ﷺ хладисирттаву тлайла бакъасса цичлав щинчлав къалавкъуссар» - куну. Уттигъанну Къурбандалувусса ва хладисирттаву карамаитртая чивчусса луттираву тун бакрайн багъунни укусса зад: 1932-ку шиная Индиянаву диркун дур холера-цуцлаву хъуну, агъали къат бивну най. Му мукун гужсса цуцлаву диркун дур, хлукматрай буми халкъ литаврия нигъума диркун дур. Амма ца шпурттуву, духтуртуран хисав хъуну бур ца шяраву цуцлаву чан хъанай душиву. Гиккун комиссия гъан бивну, хъиривлявуртту дуркун, кил хъуну бур шалла шарнил ца зимизру багъайсса къувилува щин ласайшиву. Гай щин лабораториялуву ххал дуркун, кил хъуну бур циваннив гиву холералул микробу литлай бушиву. Куртисса хъиривлявуртту дуркун, кил бивну бур щинану бюкъан бивсса зимизрава бактериарду литун байсса бактериофагу буккайшиву. Гай цивпагу бивкун бур хъинну мюршисса (20-25 микрон), гужсса микроскоправух бакъа къачалачисса. Австралиянавасса профессор Энди Биттил пикри хъуну бур, яла чапалшиву дусса кланайн батлайсса зимизиртал чурххаву гужсса дару биклан аьркинни, цанчирча, гай ливтуну бухлаганссия, тисса. Мунир га айивхъуну ур цалва лабораториялуву зимизру ххал буллай. Ххал барча, зимизрал чурххаву гужсса, чиявусса жура-жура микробу литун байсса антибиотикру бусса бур. Утти цуххин бучир: бивкиссарив Мухаммад Идавсил ﷺ заманнай лабораторияртту, микроскопру, мукунсса хъиривлявуртту дайсса институту?! Ми цичлав къадиркунгу, Идавсил ﷺ диркиссар Аллагу Тааьланыя элму, килушивурттугу, Аллагу ﷻ Гъарзад Килма унутий. Гъарцаннан килли Исламраву марцшиврух хъинну хъуннасса къулагъас дайшиву: кьинилун ххюйлва чаклин бивсаву, дукра дуркуну къац вилагаву, сивак ишла даву, дукралул хъхъичи ва махъ кару шюшаву, михъру къуьаву ва м. ц. Бусурманчувал Исламрайн бивну марцшиву дуларча, мунихлу дуняллий цалва чурххал цуллушиву дакъасса, ахиратравугу хъунмасса чиригу биклайтиссар. Ца алимчувал увкуссар: «Исламраву бумуниву ххуйшиву дакъа дакъассар. Мунихлу чире бакъассаниягума, ми гъарзад биттур дуллан аьркина», - куну.

Нюжмардувусса кьинирдал хасшивуртту

Мухаммад идавсихъ   ххуллун кьинилуя (суббота) цуьвххусса чумал ганал увкуссар: «Ххуллун кьини щялмагърал, хиянатрал кьинири», - куну. Ххуллун кьини кьурайштал Идавсин   макру бан цацун хьуну бивкссар. Ххуллун кьини, алхлат кьини ва тталат кьини янна ттирсуну, дурурххуну гъахъинссар. Идавсихъ   алхлат кьинилуя (воскресенье) цуьвххусса чумал увкуссар: «Алхлат – мурхьру бугъайсса ва къатри байсса кьинири» - куну. Алхлат кьини Аллагъ   айивхьуссар аьлам ляхъан булла. Ца риваятраву бувсун бур алхлат кьини Алжан ляхъангу бувну гиву мурхьру бувгъушиву.

Идавсихъ   итни кьинилуя (понедельник) цуьвххукун, ганал увкуссар: «Му сапарданул ва маша баврил кьинири», - куну. Итни кьини Шуайб идавс   маша бан сафарданий увкун, тлайлабацду хьуссар. Идавсихъ   тталат кьинилуя (вторник) цуьвххукун, увкуссар: «Тталат кьини оьттул, оь итабакъаврил кьинири», - куну. Му кьини Адам Идавсил   арс Къабиллул цала уссу Гъабил ивкссар. Му кьини Жиржис   идавс, Закария   идавс ва ганал арс Яхйа   идавс ливтуссар. Тталат кьинири Фиръавннул цалва ссихирчитал аьс бувссар Муса   идавсин иман дирхьунутий. Мукунма, тталат кьини Фиръавннул цалла шарсса Асиятгу диркссар, Муса   идавсин иман дирхьунутий. Му кьини Бану Исраилтурал оьл бивххуссар. Жула Идавсил   къадагъа дирхьуссар тталат кьини хлижама даврин (къашайшивруя хъин хъуншиврул оь итабакъаву). Хладисраву увкуну бур: «*Му кьинилуьу дуссар ца ссят му ссятрай оь бачирча, бацан бан къашайссар, бацан бан хьурчагума инсан ивчан бюхъайссар.*»

Тталат кьини Аллагъу Тааьлланал иблис алжаннава буккан бувну аьрщарайн бувтссар. Тталат кьини Аллагънал   Изрияил малаикнай ялув бувссар инсантурал рухлру ласаву. Тталат кьини Аюб   идавс захиматшиврувун агъссар.

Идавсихъ   арвахI кьинилия (среда) цуьвххусса чумал, ганал увкуссар: «Му бала-апатлру шайсса кьинири». Мукун учаврил сававу, му кьини Фиръавн цалва халкъуннащал хьхьиривун оьвкссар. Аьд, Самуд ва СалихI Идавсил   къавму гъалак бувссар. Аммарив бусурманчувнан яла барча бакъамур, талихI бакъамур кьини хъанахъиссар цалва бунагъ бувсса, оьсса аьмал бувсса кьини, му кьини нюжмардуву цимилчинмур духурчагу. Мукунма, ххуйсса аьмал бувсса, бунагъ къабувсса кьини ххуйсса кьинири. Аллагънал   кумаг баннав Мухаммад Идавсил   умматиннан хъинсса аьмалу булла.

АрвахI кьини михьру къукъаву гъахъинссар, цуцлаву хъун бюхъайссар. Ца-цавай аьлимтурал тимунин бувну, арвахI кьини къашавайминначан зиярат бавугу гъахъинссар.

Ялагу увкуну бур арвахI кьини ахтайн чаклил ва ахтакун чаклил дяниву дурсса дуаь къамул шайссар, куну. АрвахI кьини дайдируьсса даврилгу ххуйсса ахир диклайссар, куну бур. Мунияту элму лахъхъаву ягу лу ккалай айишаву арвахI кьини дурну хъинссар. Идавсихъ   ххамис кьинилия (четверг) цуьвххукун, ганал увкуссар: «Ххамис кьини тлавшиннарду биттур дайсса кьинири, хIакимтурачан, паччахIтурачан гъан ххуйсса кьинири», - куну. Ххамис кьини Ибрагъим   идавс Мисриллул паччахIначан лавгун цалва мурад шаллу бувссар. Му кьини паччахIнал ганан Гъажар– Исмаил идавсил   нину дулуссар.

Идавсихъ   нюжмар кьинилия цуьвххукун, ганал увкуссар: «Нюжмар кьини – кулпат байсса кьинири», - куну. Му кьини магъар бивхьуссар Адамлул   ва ХIавал, Юсуфлул   ва Зулейхал, Муса идавсил   ва Шуайб идавсил душнил, Сулайман   идавсил ва Билкислул, Мухаммад   Идавсил ва Аьйшатул. Мунияту, жунмагу хъинссар магъар нюжмар кьини бивхьуну, хъатли цамур кьини барчагу. Ибну Аьббаслуя   бувсун бур: «Нюжмар кьини михьру къукъайманал чурххава Аллагъу Тааьлланал цуцлаву дуккан дантиссар, цулулушиву дулунтиссар». Михьру къукъайхтту кару шюшингу хъама дабитари!

«Танбигъул аввам ила даъватил Къуръан» тлисса луттирава

Юсуф   идавсил бусала

ГЪУМУЧИЯЛ ГЪАЗИ АЛЬ-ХIУСАЙНИНАЛ «МАТИАЛИОЬЛ-ЖУМГЪУР» ТIИСА ЛУТТИРАВА

(дайдихьу хъхъичьсса номердай)

Юсуфлул   Зулайхал цува паракъатну къаитантIишиву бувцукун, га Аллагънахъ   дуаь дуллан ивкун ур, я Рабби, на вай хъаннил макрулуца уручча, акъахурча на вайннал тимуний гъавай ура, вайливсса адимина шавай ура, вайннал тимул бавунияр ттун дуснакъ аву чча, тий. Яла Аьзизлул цала шарссанил хавар шагърулувух авара хъувкун, халкъуннал мукъурттия нигъа увсун, Юсуф   дуснакъ ан увну ур. Юсуф   кIаланнавун увтукун, Зулайха дукия къаканай, хIачия къахIачIлай, шану къабиллай, я хъхурай, я дяхта ссавур дакъа, бацан гъахъанай, илтIа хъуну, тIаннуйн бувкун бур. Юсуфрив   дуснакъравусса халкъуннащал ихтилаграй, аьлахълай икIайсса ивкун ур, муначан гъарца зуруй Жабраил-малаикгу зияратрайн учIайсса ивкун ур. Жабраиллул мунахъ ххариву бувсун бур, ина паччахI хьунтиссара, куну. Ца чумал малаикнал ганал алжаннавасса якъут дюкбан дулуну дурча, Юсуфлул   макI личан лавхъхъуну бур.

Га чумал Мисрилив ивкун ур Раян тIисса паччахI. Ганалгу ивкун ур Яманнай ца душман. Га душманнал къюлтIну къутIи дурну дур Раяндун щин ва дукра ларсун бучIайсса къуллугъчитуращал, гай дуки-хIачиялувун загъру бивчуну, паччахI ивчIан. Амма гай кIиягу къуллугъчитурал цаннал цаннайн хIусудшиву хъуну, Раяндухъ маз бувну, гайннал дакIниймур кIул хъуну бур. Гай кIиягу дуснакъ бувну, Юсуфлул   бавкуну бур. Ца кьини щин ласул увкуну бур: «Ттун кунну макIра ккавккунни шамма мусил тIяс, гивугу тIутIул къюмайрду. Навагу гай тIутIуа чяхир дукалай, паччахIнан хIачан дулла», - куну. «Ина дуснакърава уккантIиссара, махъунай паччахIначIа къуллугъ буллан гъантIиссара», - куну бур Юсуфлул   ганахъ. Му бавукун, ччатI шахъайманал увкуну бур: «Ттунгу кунну макIра ккавккунни шанма цIарал бувцукунна кIара, навагу гиву ччатI шавхъун, ттулва бакIрай бивхъуну, мичча лелуххантрал къеп тий, канай», - куну. Амма ганан цукунчIавсса макI ккарккун къадиркун дур, га цувагу чапурчу ивкун ур. Юсуфлул   увкуну бур: «Ина аьс антIиссара, вил бакIравусса нягу лелуххантрал дукантIиссар», - куну. Му бавукун, ччатIшахъу нигъа увсун, ттун мукунсса макI къаккаркхурчагу, ина аьс антIиссара», - куну бур Юсуфлул  . Мияжнунугу шанма гъантIува ца тархъан увну ур, гама аьс увну ур. Щинласу дуснакърава увкуну нанисса

чумал Юсуфлул   ганахъ увкуну бур: «Вила залунначIа нагу кIицI лаги, цичIав тахсир бакъасса оьрчI кIаланнуну ур, уча», - куну. Амма ганан хъама бивтун, Юсуф   ялагу ряхра шиная дуснакъраву ливчIун ур. Ца кьини ЮсуфлулчIан   Жабраил увкун, «Ина тархъан хъун чIун гъан хъуну дур. Раяндун макI ккавккантIиссар, му щичIачIав дурчIин гъахъанай, ина шива уккан аврил савав хъун тий дур», - куну бур. Цаппара хIал хъувкун, Раяндун макIра ккавккун бур Нил неххавату арулва бучсса, арулва илтIасса оьл бувкун, илтIаминнул бучми бувкуну, ялагу арулва щюллисса, арулва гъахъисса чIали бувкун, гъахъимий щюллиминуйх кай-кай хъуну, гассят гайгу къакъан бувну. Раян зурзу тий чантI увкуну, цалва макIличIултIу бавтIун, му макI бувсун бурча, гайннал му щийтIаннул макI дур, куну бур. Гъунттимур кьини шания ивзукун, Раяндун цанна ккарксса макI хъама диртун дур, макIличIултрангу дакIний лирчIун дакъар. Яла ганан сси бивзун гай циняв цалва къуллугъирттая букъан бувну бур. Микку ЮсуфлулчIан   дуснакъраву ивкIсса щиндуххун дакIнин багъну бур ганал цалла макI тIайлану лирчIсса куц. ПаччахIнал хъхьичIун увкун, бувсун бур Юсуфлуя  . Яла га дуснакъравун ЮсуфлулчIан   лавгун, багъишла ити ина ттун хъама ивтунна, куну бур. Бувсун бур паччахIнан аьжживсса макI ккарккун, амма гъунттимур кьини гъарцаннан хъама диртшиву. ЮсуфлулчIан   бувсун бур паччахIнан цукунсса макI ккарккун диркIсарив. Раяндун му кIул шайхтту, махIаттал хъуну, га цацIана уцияра куну, буюр бувну бур. Юсуфлул   хъирив лавгун бур вазиртал, чугу, яннагу, тажгу лавсун, амма га дуснакърава уккан рязи хъуну акъар, цува аьй дакъанува дуснакъ увшиву халкъуннан загъир къавхъусаксса. Раяндул микку Зулайхагу, гай кару къуркуьсса хъамигу дучIан дурну, кIул бувну бур аьй Зулайхайл диркIшиву. Зулайхуну тастгий бувну бур, Юсуф   марцIссия, тIайлассия, куну. Юсуф   идавс дуснакърава увкуну нанисса чумал, гивусса халкъ ганал хъирив аьтIий бивкун бур. ЮсуфлулчIан   гайннан шанна дуаь дурну дур: я Аллагъ, ина дуснакърал агъуданий халкъуннал дакIру цими хъун да, вайнаяту кIиришиврул ва дякъил захIматшивуртту яла гъан да, вайнначIан дунияллул хавартту биян бува, куну. Яла дуснакърал хъулугу чивчуну бур: «ва уттаваминнал гъаври», - куну. Дуснакърава увкуну, Юсуфлул   чурхгу шювшуну, паччахIнал диркIсса яннагу ларххун, буртти авчуну ур ва-

зирталгу архIалну паччахIнал къалалучIан иянин. Яла паччахIначIан увххун аьраб мазрай салам буллуно бурча, паччахIнал му ци мазри куну, цуьвххуну бур. «Ва жул буттауссил Исмаил   идавсил мазри», - куну бур. ПаччахI цувагу арулва маз кIулсса ивкун ур, цумур мазрай гъалгъа тIурчагу, Юсуф   ганахъхъун жаваб дулла ивкун ур. Яла Раяндул Юсуф   цала чIарав щяивтун, ина цура, щил арсра, куну суал бувну бур. На Юсуфра бин Яькъуб бин ИсхIакъ бин Ибрагъим, куну бур ганал. «Вихъ щил бувсри ттун ци макI ккаркксарив?» - цуьвххуну бур паччахIнал. «Аллагънал   илчи Жабраиллул бувсунни», - куну бур Юсуфлул  . «Туну му макIлил мяъна цири?» - цуьвххуну бур паччахIнал. «Зул ялун дучантIиссар арулла авадансса шин, яла арулла къурагъсса, къанатсса шин. Гай арулла дюрхъусса шинал баклахъру дартIун хъунисса анбарду бувну, гиву ядан аьркинссар, къанатсса чIун дуркIуну ишла дан», - куну бур Юсуфлул  . Яла Раяндул Юсуф   цала цалчинма вазирну ивтун ур. Га хъинну тIайлану, аьдлу буну хIукмурду буллан ивкун ур, циняв агъалигу ганайн мютIийну бивкун бур.

Юсуфлул   хъуруннал хIакъираву хъинну хIарачат бувну, анбарду къалмул буцIин бувну бур. Арулла авадансса шин ларгун махъ, ккашилсса шину дайдируьуну дур. ХъхьичIва-хъхьичI ккашил цува Раян-паччахI увгъуну, хъхъувай шанияту ивзун, ккаши-ккаши тий леххаву тIун ивкун ур. Циксса дукра канарчагу, ккаши къалаглай бивкун бур. Яла Юсуфлул   паччахIнал лякълуйх ка дурккун, ккаши яла гъан бувну бур. Амма Мисриллал агълу канай букъачлай бивкун бур. ХъхьичIра-хъхьичIсса шинал Юсуфлул   миннан къама арцу-мусийх, дувссилух бавххуну бур, кIилчинмур шинал жавагъиртах, эмаратиртах бавххуну бур, шамилчинмур шинал гъаттарох бавххуну бур, мукъилчинмур шинал лагъартуннах бавххуну бур, ххюйлчинмур шинал аьрщарах бавххуну бур, ряххулчинмур шинал оьрчIах, хъанних бавххуну бур, арулчинмур шинал цинявннал цалва чурхру машан лавсун бур. Мисрилив Юсуфлул   лагъ акъасса цуцIав къаливчIун ур. Яла Юсуф   паччахIначIан увкун, увкуну бур: «Ина барану, на вай Мисриллал халкъ циняв тархъан бувссар, вайннал хъуругу цанна-цанна занна дурссар», - куну. Гай ккашилсса шиннардий Юсуф   цувагу уччиннин за къаканай ивкун ур, нава уччира, ттун ккашилма хъама итнатIиссар, тий.

(гихунмайгу буссар)

Идавсил ﷺ МЮЪЖИЗАТРУ

ЦА КІУНКІУРДУВАССА ДУКРАЛУЛ АЗАРА ИНСАН УЧЧИН УВССА КУЦ

Имам Бухаринал ва имам Муслимлул бувссса хадисраву увкуну бур: «Жабирдул бувсун бур: «Бусурман Мадианулул лагма хандакь (ров) дуклакисса чІумал, ттун хІисав хьуна МухІаммад Идавс ﷺ хьинну ккашил хьуну ушиву (буслий бур га кьини бархІ тІайла бацІан бан хьуншиврул Идавсил ﷺ лякьлуйн къасса чару бахІайсса бивкІшиву). Яла на Идавсия ﷺ ихтияргу ларсун ттула шарссаничІан лавгун учав: «вичІа ци дур дукра дансса, Идавс ﷺ хьинну ккашил хьуну чІалай урхха», - куну. «Ца ссахІ хьалул ва ца яттил хІайван бур» - увкуну ганил. На гацІана га хІайван биххав, шарссанилгу хьалуя иникІма дурна. Яла жу дикІ шахьан цІарай кІункІур бизарду. Яла на махьунай лавгун, Идавсихь ﷺ къюлтІну учав: «Инагу, вищал цаппара агъалигу бачи ттучІан дукра дукан», - куну. «Дукра циксса дур?» - цІувххуна Расуллагънал ﷺ. Бувсукун ганал увкуну: «Насуча, вилла шарссанихь жу бучІаннин кІункІур цІарая мабукъара, уча, иникІмалия ччатІ шахьлайгу мабайбишари» - куну. Яла Идавсил ﷺ гиккусса гьарцаннан баянну, бюхттулсса чІуний увкуну: «Жабир дукрагу дурну жуйнма хьамалу оьвтІий ур, мунияту циняв бухьхьяйра!» - куну. Тгун хьинну нач хьуна, гайннан цинявннан диялсса дукра ттучІара дакъанутІий. Яла на анаварну шавай лавгун, шарссанихь бусав Идавс ﷺ асхІабтуращал жуцІана хьамалу най ушиву. «Ганан кІулсарив жуцІара чансса дукра душиву» - цІувххуна шарссанил. «КІулссар» - учав на. «Аллагънан ﷺ ва Идавсин ﷺ хьинну кІулссар, ни гьа маусара» - увкуну шарссанил. Хьамал бувкІукун, на ларсун ччат шахьан хІадур дурсса иникІма, Идавсил ﷺ хьхьичІун дугъав. Расуллагънал ﷺ иникІмалийн уфгу увкуну, дуаь дурккуна, ганиву бара-

чат гьарза хьуншиврул. ДикІуйнгу мура куццуй дуаьгу дурккуну, Идавсил ﷺ увкуну: «Ччат шахьлан винма кумаг бансса ца инсангу уцача, кІункІурдува дикІгу дуккан дуллалу, га цІарайва бунува» - куну. ТтучІан дукралин бувкІсса бусурман азаруннин бивсса бия. Валлагъи,



гай циняв буччинин дукрагу дуркуну лавгуна, амма жул кІункІурдуву нукІура кунна дикІгу шахьлай дия, щингу щарай дия. Га иникІмалиягу ялагу ччатІ шахьлайнма бия». Мукунсса муъжизат Идавсил ﷺ цимиллагу ккаккан дурссар. Ца чІумал Абу ТІалхІатлул ﷺ оьвкуну бивкІссар Идавсийн ﷺ цачІанма хьамалу. Гайннал хьхьичІ дишин Абу ТІалхІатлулчІа ﷺ бивкІун бур ца-кІива ччатІул касак ва цаппара чассаг. Идавсил ﷺ цащала бувцу-

ну бур циняв цалва чІаравми. Май-майя буххан буллаи, гай чансса дукиялул циняв буччин бувну бур. Микку Идавсил ﷺ увкуну бур Абу ТІалхІатлул ﷺ шарсса Уммусалим-лухь: «Я Уммусалим, вил дукралул чаншиву, гай дуркуминнах бурувгун» - куну. Ганил увкуну бур «Гай

ﷺ тІисса асхІабначІан бувкІун бур ганал шарссанил гьан бувну чан-къансса чассагущалсса душ. МухІаммад Идавсил ﷺ шяв супра бувтун, гай чассаг ганийн бичин бувну, Мадианулул лагма хандакь дуклакисса циняв асхІабтурайн оьвкуну бур дукра дукан. Гай циняв буччиннин чассагу бувкуну махьунмай зана бивкІун бур. (Байгьа-къи).

Табукъ-гъазаватрайсса чІумал асхІабтурал бувсун бур Идавсихь ﷺ цачІара дукра духлагавай душиву. Идавсил ﷺ буюр бувну бур цинявнначІа думур ца кІанайн датІияра, куну. ДартІукун, дуаьгу дурккуну, канаки, куну бур. Гиккусса циняв бусурманнал дугу дуркуну, махь дуканссагу ларсукунгума, гай дукра къадухларгун дур. Имам Бухаринал бувссса хадисраву увкуну бур: «МухІаммад Идавсил ﷺ Зайнаб бувссса кьини ганачІан ларсун бувкІун бур чассагуя, нагълия, нисирая ва иникІмалия дурсса дукия. Анас ﷺ гай дукра ларсун увкІукун, Идавсил ﷺ ганайн буюр бувну бур пулансса инсантурайн дукралин оьвча, куну. Ми бакъассагу ххуллийн винма хьуна бавкъуминнайнгу оьвча, куну бур. Хьамал бувкІукун, Идавсил ﷺ гай чансса дукралул ялув цала ка дирхьуну, лагъну ца дуаь дурккуну дур. Яла буюр бувну бур ацІ-ацІа буххан буллалиятра, «бисмиллагъ» увкуну канакиятра, куну. Мукун бухлай шантуршунния ливчусса асхІабтурал дуркуну дур га дукия. «Дуркуну къуртал шайхтту, лирчІмур на ларсэссия, амма къакІулли гай ларсун увкІукун чІярусса диркІссарив, ягу махьуннай ларсукун чІярусса диркІссарив» - увкуну бур Анаслул ﷺ. Укунсса муъжизатру МухІаммад ﷺ Идавсил хьинну чІярусса диркІссар.

КъурамухІаммад-хІажі Рамазанов

ДИНДАЛУЛ ШАМУЛЧИНМУР ТТАРЦІ

1 « Жулва бакІравун пикри буххай, му тІул инсаннал хьхьичІ дурссания, хьинну нач хьунссия тІисса. Амма жува Аллагъная ﷺ нач къадурну, Заннал ﷺ аьзабрая ни гьа къабувсун, инсантурая ва инсантура л мазрая ни гьа бусару. ИхІсан хьанахьиссар Исламрал рухІнугу, къюкІнугу, оьрмунугу. ИхІсанналул иман ва Ислам камил дайссар. Инсан ухьурча Исламрал гьарца фарзру биттур буллаи: чак, закят, хІаж ва цаймигу, ихІсан дакъа дурсса эбадатраву рияъ шаврил ни гь дуссар. Цамур куццуй учин, дуллалисса эбадат Аллагънахлуноу ﷺ дансса марцІсса нийят дакъахьурча, ккаккиялун дуллан бюхъайссар. Мукунна имандалува ихІсан дакъахьурча, инсан мунафикъшиврувун агъан бюхъай, мазрах тІутІимур къюкІливу ва дакІниву бакъанутІий. ИхІсан дума цувалу унугу, инсантураву унугу, мудан Аллагънахлуноу ﷺ мютІийну икІайссар, мютІийшиву дакъа дурсса эбадатрая мюнпаат къабикІайнутІий.

Цукунни инсан мукунсса ихІсан дусса даражалий иян? Буссарив мунийн жува биян байсса ххуллурду? ИхІсанналул даражалийн ияншиврул инсаннан аьркинни хьхьичІва-хьхьичІ цалла дакІнивусса чапалсса хасиятирттая марцІ хьун. ХІакъсса шайх акъасса инсаннаца ми хасиятру цалла къюкІливу хІисав хьуну, минния марцІ хьун къабюхъайссар. Мунияту, гьарцаннан кІулну бикІан аьркинссар, марцІну эбадат дуллан хьуншиврул мунал уттавацца устаз икІан аьркиншиву, цувагу му ххуллийн лавгсса ва му ххуллийсса циняр захІматшивуртту цала муриднан ккаккан дан бюхъайсса. МухІаммад Идавсил ﷺ увкуссар: «Къиямасса Кьини гьарцаннахь цІуххинтІиссар цалва чурх ва рухІ зарал бумунища буруччаверия». Мунияту, инсаннал цалчинсса бурж – чурх ва рухІ цІуллуну ядан. Му цукун ядайсарив лавхьин баншиврул Аллагу Таьланал халкъунначІан 124 азара идавс гьан увссар, Адам ﷺ идавсия байбивхьу-

ну МухІаммадулун ﷺ бияннин. Инсан ивкІукун, ганал чурх аьр-щараву аьвну бухлаглай бур, рухІмур абадлий личІайссар, мури Къиямасса кьини Аллагънал ﷺ хьхьичІ дацІантІисса. Мунил марцІшиврунур инсаннал ахиратраву хІал хІасул хьунтІисса. Бунагъру чІяву хьанахьиссаксса, инсаннал къюкІ лухІи лаглай, рухІирал цІуцІавуртту гуж хьанай, марцІу, дакІнихтуну эбадат дан дахчІан дикІайссар. Яла ни гьачІийсса ва хьин дан захІматсса рухІирал цІуцІавуртту хьанахьиссар гьибат, бугътан, пахру, дакІ хьуншиву, хІусудшиву, мяшшиву, нифакъ, рияъ, ва цаймигу. Идавсил ﷺ хадисраву бувсун бур, инсаннал аьмал цалчинмур ссавнияр лавай гьаз къашайшиву, ми дакІнихтуну, ихІсандалий, Аллагънал ﷺ цІаний бувсса бакъа хьурча. Вай цІуцІавурттал инсаннал хьинсса аьмаллу ччуччин байссар, Къиямасса кьини цичІав дакъа личІан бюхъайссар. Утти цари бан аьркинсса? Мий цІуцІавуртту

цукунни хьин дантІисса? Бюхъайсарив муъмичувнаца цащара мий цІуцІавурттая хьин хьун? Тававуф, суфизм, ягу тІарикъат – учайссар инсаннал дакІ вай ларай кІицІ ларгсса къашайшивурттая хьин дан кумаг байсса Исламраву элмулийн. Мий хьин дайсса духтуртурайн устазтал, шайхтал, муридтал учайссар. Миннава цалчинмагу жула МухІаммад Идавс ﷺ ивкІссар. Ганал увкуссар: «На ва дунялийн гьан увссара халкъуннал хасият, тІабиаьт дакъин дан». Къиямасса Кьини дучІаннингу Аллагънал ﷺ валийтурал – шайхтурал силсила дачинтІиссар. Машгурсса шайх, тІарикъатрал имам АхІмад Фаруклул (Имам Раббани) увкуссар: «Накъшубанди тІарикъатрал махъа-махъсса устаз – Къиямасса кьини гьан хьувкун уккантІисса имам Магъди икІантІиссар» - куну. Хьунасса аьлимчув имам Ибн ХІажар аль-Гъайтами чичІуй ур, ихІсан так тасаввуфраву душиву. Цамур куццуй учин, тІарикъатралли инсан ихІсандалул даражалийн иян айсса.

Суфизм

Мухаммад Идавсил ﷺ увкуссар: «Константинополь (Стамбул) чара бакъа бусурманнал ласунтиссар, авурсса, виричусса бакъичигу усса авурсса аьралуннал». Ва хладис бувсун бур имам Бухаринал «Тарихул кабир» тисса луттираву, имам АхИмадлул «Муснадрату», Табаранил, ХАкимлул ва цаймигу аьлимтурал. Ибну ХАжар аль-Гъайтамил «Маджаму-з-Заваид» тисса луттираву чивчуну бур: «Киа хладис бувсун бур имам АхИмадлул, аль-Баззардул ва Табаранинал, кланиссна драйну вихшала дан бучиссар». Мукумма, ХАфиз ас-Суютинал «Жамиоь-с-Сагъир» тисса луттираву ва бавцусса, цакаьсса хладисри куну бур.

макъала: Аьбдуллагь АхИмадов

Ва хладис бавукун чйавусса бусурман бивкиссар Константинополь ласун ччай, Идавсил ﷺ кйици лавгсса виричуну цува хьуншиврул, миннавух ивкиссар Абу Аюб аль-Ансаригу, шагьру ласлай унува шагиднал бивкйу лавгьсса. Идавсил ﷺ кйици лавгсса виричу хьуссар Мухаммад ФатихI – исламрал тарихравусса яла машгьурми амиртуравусса ца. Цури ивкисса Мухаммад ФатихI? Му ивкиссар суфий, Ак-Шамсуддин тисса тарикьатрал шайхнал мурид. Га шайхналли Мухаммад ФатихI хладур увсса цалва гьунарду бан. Шайхналли ганал даки дуняллулчансса гьиралуя, нафрал тйимур баврия марци дурсса. Цанасса заманнай ца-цавай бур цалва ахИмакьшиврул ягу цайминнал мукъух вичи дишавирл цаний тарикьат оькки дуллай, муридтурал ширк буллалиссар тий (мукун тйимий Аллагь ﷻ тйайла бацан баннав, динналул шамилчинмур ттарци дугьан тавфикь булуннав). Тарикьатрайн вих бакъаминнах цйуххин ччива: бьухъайсарив Идавсил ﷺ «авурсса виричу» учин бйайкьусса ххуллу бугьуну наниманайн?! Къабьухъайшиву чйалачисса зад бур. Ягу Идавсил ﷺ увкумунин вих бакъассагу буссарив? Идавсил ﷺ мукьурттин вихну бунутйири агьлу-сунналул аьлимтурал тарикьат динналул аслулул ккалли бувсса, мукун тйиминнавух мукьвагу мазгьабрал имамталгу бур. Мунин буну, шил-бунугу мукьурттих вичи дишиннин, цал га ва ганал чйаравми ци аьмаллу буллай бурив ххал бан аьркинни, дахьва мукьурттин вих къахъанай. Идавсилгу ﷺ увкуну бур: «Вил дин – так вил динни, му вил дикйури, му вил оьгтугури, мунияту личйлулулу урувгун икйу инара дин шия ласлай урав!» (Жамиоьл-ахИадис, №25582). Мунияту хйакьину интернетраву шил чивчуссарив къакйулсса хаварду бувккуну дин лахъьин къашайсар. Личйлулулу биклан аьркинсар, акъахьурча ахиртараву гьалак хьуминнавух личйан бьухъайсар. Аллагьнал ﷻ буруччиннав!

Инсаннал арулвагу базу буруччаврил адабру

Аллагь Тааьланал инсаннан неьмат камил бан, мунал чурхан маслихатран буллусса базурдайн Аллагьнал ﷻ мабара куну, хйарам бувсса задру буллалаву – бунагькаршиврул яла оьмурди. Инсаннал чурххал базурду – ябаншиврул аманатрай хйухчихьун буллусса ятту кунмассар. Му хйухчил ятту ябайсса кунма, инсанналгу цалва базурду буруччин, ябан аьркинсар, бунагьсса задру буллан итакъабавкьуну. Ми цанма ччикун итабавкьуну, бунагьру буллали барча, Къиямасса къини халкьуннал дянив цалва базурдал цува ашкара уллай, барашинна дуллантиссар, байлсса, къутйлатисса мазурдину гьарца базудул цалва був-бумур буслай. Мунияту, гьарца инсаннал цалва чурххал арулвагу базу буруччин аьркинсар, хйухчу акъасса ятту кунма цанма ччимур буллай итакъабавкьуну. Ми базурдугу: яру, вичйи, маз, лякьа, аьврат, кару, ччанну. Дуржагьрал арулва хьулу буссар, вай арулвагу базурдайн бунагь бумма гай арулвагу хьулурдавух уххантисар. Базурдал закят – ми хйараммуния буруччавур. Аллагь Тааьланал ми цумунин, ци иширан ляхъан буну бурив ххал буну, муниву бакъа ишла бан къабучиссар.

Яру ляхъан бувссар миннийну чани хьуну, инсаннал цалла аьркиншиву барт дигиншиврул, лухччи-савнил аьламравун, аьжаибиртгавун, аьламатиртгавун, хйикматиртгавун бурган буну, миннул хйикматшивурттал пикри баншиврул. Яру буруччин аьркинсар урган хйарамсса гьарца задиртгяту. Вичйивгу ляхъан дурссар Аллагь Тааьланал каламрах, Расуллагьнал ﷺ хладисрах, валийтурал хйикматиртгах, аьлимтурал элмулух, вяъза-насихатрах, цайми цалла аьркиншивурттах вичи дишин. Вичйи дуруччин аьркинсар бидъаьсса задиртгах вичйи дишаврияту, гьибат-бугьтандалияту, оьккисса, оьсса каламрах вичйи дишаврияту. Мазгу ляхъан бувссар – Аллагь ﷻ кйици лагланни, салават рутанни, Кьурьбан буккинни, эбадат данни, халкь хьинмунин, хйакьмунин тйайла бацан банни, цалва дакйиву бумур, динийсса, дунявийсса зад загьир банни. Инсаннал чурххал базурдал яла ххувмургу, яла бунагьру чйавусса баймур базу – мазри. Му буруччин аьркинсар мйайва задраяту: шйалмахъраяту, къастирай буси, махсарттан буси, гьибат-бугьтандалия, ламмамшивруя, хйарамсса бяс-ччал баврия, цаятура-цалла ца даврия, цаманайн нааьна даврия, зай увкуну оьккисса дуаь даврия, бусурманчув къюкьин уллай, хьярч махсарттан угъаврия. Мукумма, гьарца оьккисса, оьсса, бунагь шайсса хйарамсса каламрая буруччин ялувссар. Лякьагу дуруччин аьркинсар гьарца хйарамсса, шубгьат-шак бусса зад дукаврия. Аьвратгу дуруччин аьркинсар аьвратрал байсса бунагь баврияту. Каругу дуруччин аьркинсар бусурманчуннай ришаврияту, хйарамсса задрайн ка лаян даврияту, аьркин бакъамур чичаврияту ва мукумма цайми хйарамсса задиртгяту.

Ччаннугу буруччин аьркинсар хйарамсса задрайн бачаврияту. Залимтурал, хьуниминнал хьулурдавун нанаврияту, аьркиншиву духьурча дакъа. Мукумма цайми хйарамсса задиртгяйн къастирай бачаврияту. Ва куцуй арулвагу базу жагьилсса заманнаву гьарца хйарамсса задиртгяту буруччирча, хьунавхьукун Аллагьналгу ﷻ му уруччайиссар. Амма инсаннал чурххал циняв базурдал хан, миннул ялувмур дакйри. Хьхьичйра-хьхьичй му дуруччин аьркинсар Аллагьнаятусса ﷻ нигьал дуцйин дурну, гьарца оьккисса, оьсса тйуллаяту, шййтйаннун лайкьсса сипатиртгяту, оьккисса вагьмурдая, пикрирдая арх дан ялувссар. Даки сукку хьумур чулухуннайри вайми циняв базурдугу бачайсса. Даки дуруччума – шала уруччайиссар.

бизан буну, Аллагь ﷻ дакйин утун, аькьуба дакйин дуртун кйура аян айссар. Ялагу шййтйан ялул ххьавхун, мунал дакйин вас-васру бунтун, ина аьхИмакьсарав, чурххан ччимур цан къабара, винна ччимур цан къадукара, ччимур цан къахйачара, чурх заев цан буллайра, дуняллул неьмат цан къаласара, шил дукан къаританна, пуланнал канай ур, пулан хйачйлай ур, пулансса аьлимчувналгума буллай ур, къабучйину бивкйссания, муналгу къабанссия, оьрму лахъиссар, тавба данхьуви, кйура аянхьува тйий, ялагу буллан гьуз учин айссар. Ялагу мунал дакйивун малаик увхун дакйин бутайссар, ина дуняллул чансса лазатиртгах абадлийсса алжаннул неьмат къюкьиннав, халкь бйайкьуннича куну, инавагу



Кьурьбан буккаву – яруннигу, вичйалгу мазралгу эбадат.

Инсантурал дакйругу шанна куцуйсса дуссар. Ца Аллагьнаяту ﷻ нигьал дурцйусса, малаиктал бухлахисса, шййтйан буххан ххуллу бакъасса, оьккисса тйуллаяту марцйсса, хьинмур бакъа дакйин къабагьайсса, Аллагь Тааьланал хйикматру, кашфурду цаву загьир хьанахъисса, архсса, къюлтйсса, кйулсса, къакйулсса задру ххал хьанахъисса, басиратрал чаннайну хйакьмур загьир хьанахъисса дакйри. Му дакйивун Халикь ﷻ урувгукунгу, мулангу му аькьлулул нурданйину чанна лархьун, Аллагь ﷻ кйулшиврул илагьийсса нурдайну чйюлу дурну ляркьуну, рязий шайсар. Мукумма дакйругу дикйайсса аьрифтуралли. Хьхьичйсса задрах бурувгсса яруннаннир, архсса, къюлтйсса задру миннан чйалачйиссар. Цагу гьавалул дурцйусса, къюркьюсса, оьсса, оьккисса сипатиртгал даршусса, малаиктал къабуххайсса, шййтйаннулу хьулурду тйивтйусса, цаншиврул дурцйусса, къасаватрал люхйи ларгсса, оьмур бакъа дакйин къабагьайсса, батйулмур бакъа къамул къабайсса дакйри. Цагу гьавагу буххайсса, имангу духхайсса. Шййтйангу буххайсса, малаикгу уххайсса. Гьава-шййтйан бувххун оьмунин гьуз учин увну, оьмур буллан авчукун, му сьят малаик увххун, иман дурххун, му оьккину, оьну чйалачйи дурну, хьинмур ххуй

аьйкьиннав, гьаттал аьзабрая нигьа къаусарав, дуржагьрал цйараву цукун икйанна тйий, кйура аян дакйин бутайссар. Му даки дусса инсан му куцуй вания тамунин зана хъанай икйайссар. Ку чйумал шййтйан ххув хьуну мунил тйимур байссар, ку чйумал малаик ххув хьуну мунал тйимур байссар. Ялагу мукьра куцуй дуссар инсантурал дакйру. Ца мудан Аллагь ﷻ кйици лагаврихун машгьул хьусса, чара бакъасса иширтгаву дакъа дуняллул пикри къабайсса. Му сиддикьинтурал дакйри. Цагу муданна дуняллулх ларгсса, Аллагь ﷻ дакйинвагу къаагьайсса. Агьарчагу мазрал акъа, дакйинил кйици къалагайсса. Му фасикьтурал, бунагькартурал, гьалак хьуминнал дакйри. Цагу диндалухунгу, дуняллулхунгу машгьул хьусса, амма дин гьарзасса дакйри. Му аьвамсса муьминтурал дакйри. Мукумминнал мукьва я бикйайссар: кйива бакйраву дуняллул амурдах буруглагисса, кйива дакйиву диндалул амурдах буруглагисса. Цагу мура кйинихуннагу машгьул хьусса, амма дуняллулмур хьхьичйун дурксса дакйри. Му дунял тйалав дуллалминнал дакйри.

«Насихйатуль-аьвал»
(«Гьунчйукьатйан»)

Чак буну махъ ца-цавайннал кыпагу бувкун бакрайх ка дуккай. Мунин хучча буссарив Исламраву?

Буссар. Анаслул ﷻ бусун бур: «Мухаммад Идавсил ﷺ чак буну махъ бакрайх кагу дурккун, ва дуаь дуккайва: «Бис-миллягы лязи ля илягы илля гува-р-рахману-р-рахим». (Табарани, аль-Баззар).

Имамнал хьирив чак буллалиманал «магдына» цукун дуккин аьркинссар??

Имамнал хьирив чак буллалиманал «Фа иннака такъзи» тлсса кланайн бияннин «амин» учайссар. Гания гихунмай «настагфирука» тлсса кланайн бияннин имамнащал архлал дуккайссар. Ялагу салаватрайн бияннин «амин» учайссар, салават имамнащал архлал дуккайссар. Салаватрал хьиривса дуаь дурккунгу «амин» учайссар. (Фатхул Аьллам)

Фаризасса гьуслу буллалисса чумал хьамитйпадул хлаллурду ттирихин бан аркинссарив?

Бавхусса хлаллудал вив щин диллай дакъа-хьурча, чара бакъа мий ттирихингу буну шю-шин ялувссар. Шариаьтра-ву аьфву байссар цайнура цирда хлала дурхсса чарадал вив щин диллай дакъахьурча. Аммарив инсаннал цалла хлала даркьуну, хлаллу буну бухурча, аьфву къабайссар.

На машин ласав арцул клисса. Тун бавссар этла клиссурай бакъа клисса лаххан къабучиссар тий. Му тлайлассарив?

Этла клиссурай арцул клисса лаххаву адиминан суннатссар. Вайми клиссуртгай лаххангу бучиссар, мунийгу хьанниха лахьлай акъахьурча.

Мизитрава азан баяхтту цуксса хлалава бучиссар чак бан?

Азан учайхтту гацлана икъаматту дурну чак буну хьинссар, амма мизитиртаву чансса хлаллай халкъ батиннин ссавур даву хьинссар.

Хлаллыв зияратрай лавгукун ци дурккуну хьинссар?


Гьарца нюзмар кьини нити-буттал гьаттардийн занай «Ясин» буккайманан му суралуву цими хларп дурив, миксса бунагьру багышла битайссар. Нитти-буттайн мютгий къахъанай ивксса инсаннал мий ливтуну махъ миннан дуаь дуларча, ва дуняллий гайннай мютгийн бивкминнаву мунал цлагу чичайссар. «Аятуль-Курсий» бувккуну, муниясса чире хлалталу бувчуминнан булурча, Аллагу Тааьланал ﷻ циняр гьавру нурданул чанна лахъан дайссар. «Ясин» бувккуну муний чире хлалталу бувчуминнан булурча, миннал аьзав чан шайссар, му бувккунанангу чярussa хьиншивуртту дулайссар. Хлаллыв буккин ккаккан бувмунива яла чанмур – сура «Аль-Фатиха», сура «Ихлас», сура «Фалакъ», сура «Нас» хъанахьиссар.

Гьаттал аьзав къадиклайсса инсантал биклайссарив?

Гьаттал аьзав къадиклайссар идавстуран, шагьид-туран, сиддикьинтуран, тлаоьн-цлудаву дирну ивккунанан, лякьул цлудаврил ивккунанан, нюзмар хьхуну ивккунанан, ивчайний «Аль-Ихлас» («Кьулгьу») бувккунанан, гьарца хьхуну «Аль-Мулк» («Табарака») ягу «ас-Сажда» буккайманан. Ми сурарду буклай айишин аьркинссар, миннуясса мюнпат килхьунияцла шинай. Гьарца хьхуну къа-хьурча, оьрмулул чярумий хьхурдавувагу буккин аьркинссар. Идавстал ва шагьидтал личаннин вайминнан гьаттаву чансса дунугу аьзав диклантиссар тлсса аьлимталу бур.

ЦИУССА ЛУ

Ххирасса уссурвал ва ссурвал! Лакку мазрай динналул литература итабакъайсса типографиялий уттигьанну буккан бунни лакку мазрайсса «Манакьбу Мухаммадия» тлсса мавлудрал луттирал цусса издание. Оптом ласун ччиминаща цлухху-бусу бан хьунтиссар ва номерданийхчин: 8-989-670-51-15.



Дуняллий хьхичйра-хьхичй зума дургьусса инсан цур?

Хьхичйра хьхичй зума дургьуссар Адам ﷺ идавсил.

БАЯН

Элму – Исламрал рухл ва динналул ттарцл

Динналул гьанурду, чак, Кьурьан лахъхьин ччисса хьаннил ва душварал группа сакин буллай буссар. Ххирасса ссурвал ва нинухьлу! Анавар буккира кьимат бишун къашайсса элму – чак баву ва Кьурьан буккаву лахъхьин. Дасру диклантиссар Махлачкъалаливсса вокзалданул чларавсса Сайфуллагь-Кьадиал цланийсса мизитрал мадрасалуву. Адрес: Махлачкъала, ул. Буйнакского 38-а, тел.: 8-928-507-53-22.

Зулла дакйру динналул нурданул чанна лахъан дувара!

Лахъхьияра лакку маз!

Махлачкъалаливсса Сайфуллагь-Кьадиал цланийсса мизитрал мадрасалуву титллай буссар лакку маз лахъхьин байсса курсу. Курсирдайн къамул буллалиссар оьрчйру ва араммтал оьрмулул личишиву къадурну. Адрес: Махлачкъала, ул. Буйнакского 38-а, тел.: 8-988-443-23-12.

ДУАЬ

МИЗИТРАВУН НАНИНИЙ ДУККАЙССА ДУАЬ

اللَّهُمَّ اجْعَلْ فِي قَلْبِي نُورًا وَفِي لِسَانِي نُورًا وَفِي سَمْعِي نُورًا وَفِي بَصَرِي نُورًا وَمِنْ فَوْقِي نُورًا وَمِنْ تَحْتِي نُورًا وَعَنْ يَمِينِي نُورًا وَعَنْ شِمَالِي نُورًا وَمِنْ أَمَامِي نُورًا وَمِنْ خَلْفِي نُورًا وَاجْعَلْ لِي نُورًا

Аллагьумма-жъаьл фи къалбий нуран, ва фи лисаний нуран, ва фи самъий нуран ва фи басарий нуран, ва мин фавкъий нуран, ва мин тахлтий нуран, ва аьн яминний нуран, ва аьн шималий нуран, ва мин амаий нуран, ва мин халфий нуран важъаьл лий нуран.

Хлаж-2012

Хлурмат бусса лакрал жамят! Сакин буллай буссар гьашину Дагъустанная цала кашилий хлажлив гьан гьира бусса лакрал группа. Цлухху-бусу бан хьунтиссар вай номерданийхчин: 8-989-652-07-86, 8-903-480-12-55

Рузнама

Апрель

Кьини	Кьюрхил чак	Баргь буккаву	Ахттайн чак	Ахттакьун чак	Марклаган чак	Хьатан чак
1	4:50	6:29	12:53	16:27	19:18	20:44
2	4:48	6:27	12:53	16:27	19:19	20:46
4	4:44	6:23	12:52	16:28	19:21	20:49
6	4:40	6:19	12:51	16:29	19:23	20:52
8	4:36	6:16	12:51	16:30	19:26	20:55
10	4:32	6:12	12:50	16:31	19:28	20:57
12	4:28	6:09	12:50	16:32	19:31	21:00
14	4:22	6:05	12:49	16:33	19:34	21:04
16	4:18	6:01	12:48	16:33	19:36	21:07
18	4:13	5:58	12:48	16:34	19:38	21:10
20	4:10	5:56	12:47	16:35	19:40	21:13
22	4:05	5:53	12:47	16:35	19:42	21:15
24	4:01	5:50	12:47	16:36	19:44	21:19
26	3:57	5:47	12:47	16:38	19:47	21:23
28	3:52	5:44	12:46	16:38	19:49	21:26
30	3:49	5:41	12:46	16:39	19:51	21:29

Хлурмат бусса уссурвал ва ссурвал! Зунма цлуххин ччисса, Исламрацун, Шариаьтрацун, кулпатрал багьу-бизулуцун бавхусса ва цаймигу суаллу гьан бан бюхъайссар SMS – райхчин ва номерданийн: 8-928-580-37-89, ягу 51-85-22 номерданийн оьвкуну цлуххин. e-mail: assamlak@mail.ru